

Sent með tölvupósti

Reykjavík, 13. júní 2022

Alþingi
Efnahags- og viðskiptanefnd

Efni: Umsögn til Alþingis vegna stjórnarfrumvarps um niðurfelling tolla á vörur sem eru upprunnar í Úkraínu, 9. mál

Bændasamtök Íslands taka undir þau varnaðarorð sem fram koma í greinargerð um að verði frumvarpið að lögum geti það leitt til þess að fluttar yrðu til Íslands landbúnaðarvörur frá Úkraínu í meira mæli en nú er sem geti haft neikvæð áhrif á verð og/eða framboð íslenskra landbúnaðarvara. Í ljósi erfiðrar stöðu í íslenskum landbúnaði sökum gríðarlegra hækkana á aðföngum hafa samtökin því eðlilega áhyggjur af því hvaða áhrif innflutningurinn kann að hafa á félagsmenn.

Samtökin lýsa einnig yfir áhyggjum af því að í greinargerð er ekki vikið að því að fylgt verði eftir kröfum um heilbrigði matvæla sem fluttar verði inn samkvæmt heimildinni.

Að öðru leiti leggja samtökin til eftirfarandi breytingar á frumvarpinu:

- Niðurfelling tolla nái eingöngu til þeirra landbúnaðarafurða sem að jafnaði hafa verið fluttar inn frá Úkraínu og þeir flokkar verði skilgreindir með nákvæmum hætti í frumvarpinu.
- Magn þeirra landbúnaðarafurða sem flytja má inn tollfrjálst verði skilgreint þannig að möguleg stærðgráða innflutnings liggi ljós fyrir.
- Tryggt verði í hvívetna að fylgt verði þeim heilbrigðiskröfum sem gerður eru til innflutnings matvæla frá löndum utan Evrópusambandsins.

Þá er það afstaða Bændasamtaka Íslands að lausn á vanda Úkraínu felist í því að bundinn verði endir á stríðsátökin sem þar geisa. Ísland eigi því að beita sér á alþjóðavettvangi fyrir því að gert verði vopnahlé eða með öðrum hætti bundinn endi á stríðsátökin.

Verði þess óskað eru fulltrúar samtakanna reiðubúnir til frekari aðkomu að máli þessu til frekari umræðu og skoðanaskipta.

Virðingarfyllst
f.h. Bændasamtaka Íslands

Hilmar Vilberg Gylfason, lögfr.